

大同府志卷之二十四

大同府知府吳輔宏纂輯

列女

史記趙世家魏土地記皆載代夫人殉節事迄今歷恒
代轉夏屋猶想像其處焉夫女子之行在乎貞慎節義
非必皆才行高秀如范史所稱也以余所聞賢孝節烈
若而人綜厥懿嫺著之於篇而荒村窮谷間并其姓氏
不傳者又不知凡幾矣唐李習之有言人情以後來者
不及於古人及其有之與古人不殊也然則呼天磨笄
之風固久而未泯歟志列女

周

代王夫人趙襄子姊也襄子既殺代王使人迎其姊夫人聞之泣而呼天曰以弟慢夫非仁也以夫怨弟非義也磨笄自殺而死代人憐之所死地名之爲磨笄之山

晉

劉殷妻張氏新興人性婉順事大母以孝聞奉殷如君父焉及王氏卒殷夫婦毀瘠幾至滅性時柩在殯而西隣失火風勢甚盛殷夫婦叩殯號哭火遂越燒東家後有二白鳩巢其庭樹

劉聰妻劉氏名娥字麗華新興劉殷女也幼而聰慧晝營

女工夜婢書籍傳母恒止之娥敦習彌厲每與諸兄論經義理趣超遠諸兄深以歎伏性孝友善風儀進止聰既僭位召爲右貴嬪俄拜爲后將起鸚儀殿以居之其廷尉陳元達切諫聰大怒將斬之娥時在後堂私教左右傳刑手疏規諫詞甚切直聰覽之悔悟以表示元達曰外輔如公內輔如此后朕無憂矣及娥死僞諡武宣皇后其姊英字麗芳亦聰敏涉學而文詞機辨曉達政事過於娥初與娥同名拜左貴嬪尋卒僞追諡武德皇后

北魏

叔孫俊妻桓氏俊代人以翊戴功官衛將軍年二十八卒
明元帝親臨哀慟命其妻曰夫生既共榮沒宜同穴能
殉葬者可任意桓氏乃縊遂合葬焉

常山公主元氏獻文帝女適代人陸昕之奉姑盧氏有孝
稱性不妬忌以昕之無子爲納妾媵而皆育女昕之卒
盧氏悼念而亡喪殯無違禮神龜初與穆氏琅邪長公
主並爲女侍中公主有三女無男以昕之從子子璋爲
後事公主盡禮丞相高陽王雍常曰常山妹雖無男以
子璋爲兒乃過自生矣天平中卒

上庸公主元氏初封藍田高明婦人也甚有志操適代人

陸子彰事姑常山公主盡禮生六子印駿香騫搏彥師
皆聰穎邢邵嘗謂人曰藍田生玉固不差矣生教諸子
皆以義方六子動依禮度亦母氏之訓焉

和跋妻劉氏跋代人性好炫燿道武狩豺山刑之劉氏自
殺以從

元嘉後妃穆氏代人宜都王壽孫女司空亮從妹也聰明
過人及爲嘉妃多所匡贊光益家道

赫連氏代人太保陸敬妻身長七尺九寸甚有婦德子琇
官至河內太守

宋

畢父林繼妻祝氏自雲中僑居觀城前妻子士安少好學
祝曰學必求良師乃與如宋又如鄭士安得楊璞韓丕
劉錫爲友因僑鄭州舉進士知乾州以祝氏老願降仕
就養改監汝州稻田務後仕至同平章事

遼

邢簡妻陳氏簡應州人陳氏甫笄涉通經義覽詩賦輒能
誦尤好吟咏時以女秀才目之年二十歸簡孝舅姑閨
門和睦親黨推重有六子陳氏親教以經後二子抱璞
抱質皆以賢位宰相統和十二年卒睿聖皇后聞之嗟
悼贈魯國夫人刻石以表其言及遷祔遣使以祭論者

朝貞靜女順婦追母儀始終無虧云

元

侯氏渾源人金御史雷淵妻子膺生七歲而雷淵卒侯氏
挈膺北歸渾源艱險備嘗織紉以爲業課膺讀書膺篤
志砥礪遂以文學起家至元中累遷行臺侍御史奉氏
之官越二年卒

別哥倫氏順寧王阿沙不花繼室也有至行阿沙不花居
興和之天成累官知樞密院事至大二年卒氏寡居三
十年未嘗妄言笑身不服華綵詔旌其門與元配達海
酌斤氏並封順寧王夫人

李文實妻齊氏大同人至順元年以志節旌其門

段氏隆興路霍榮妻也榮無子嘗乞人爲養子榮卒氏年二十六養舅姑以孝稱舅姑歿榮諸父貪其產謂段曰汝子假子也可令歸宗汝無子宜改適霍氏業汝無與焉段曰家資不可計但再醮非義尙容妾思之卽退入寢室引針刺面墨漬之誓死不貳大德二年府上狀給羊酒幣帛仍命旌門復役又有興和吳氏自刺其面誓不更嫁有司爲請旌之

田氏渾源知州劉仲亨妻子彬甫七歲仲亨卒於官氏年

二十有五悲慟投繯死事聞至正間旌

張思孝妻華氏太同人善吟詠嘗爲其所執以不受辱見
殺其婦劉氏乃僵壓姑屍大罵不已兵併殺之後家人
驗其屍姑婦之手猶相持不釋劉有賦庭栢自况詩云
羣卉枯落時挺節成孤秀既保歲寒心不在遐與壽

宋安童妻班氏李安童妻胡氏俱大同人早寡不忍獨生
以死從未事聞悉命褒美

宋安童一作元
安童宋時人

明

張氏前後所百戶曾廣妻永樂二年廣守鵝兒崖中創死
時張年二十有娠生子興十五襲父職娶方氏正統十
四年興復從征陣亡方年二十無嗣守節與姑同享永

年

張氏潞城安簡王侍婢識文字王薨誓死如與諸姬慰諭之張曰妾雖婢事王有年寧忍王死而獨生乎目經於閣一府咸高其義歲時祭之

趙氏大同前衛指揮葉盛妻鎮守椿之繼母也年二十餘盛死矢守撫椿兄弟如己出容飾不修無事不出寢門孀居四十餘年卒

劉曇妻馬氏年二十四而寡撫幼子事舅姑以慈孝聞貞擇歷久益著宣德間旌表

王玘妻吳氏玘卒氏年二十六奉舅姑無違禮教育遺孤

安領鄉薦官縣令守節六十餘年正統間旌表

齊景才妻焦氏年二十四夫亡撫子守節成化六年旌表

張氏大同後衛諸葛仁妻適仁四年仁歿慟絕欲殉不食

數日死時年二十五歲仁家三世孀居建有世節堂焉

衛軍仲海妻董氏年二十餘夫亡三子胥幼訓誨成立皆

有操行長子能承役有智謀以功陞指揮

縣志稿作仲黃氏

前衛高清妻王氏少寡姑病目雙瞽以舌舐之兩目復明

舅姑卒號泣毀形士大夫競爲孝德傳詩詞以頌揚之

儀衛總旗武通妻郝氏年二十一夫亡撫貌孤成立孀居

六十年以壽終嘉靖間旌表

李添福妻衛氏年二十四夫亡遺子二長安方六歲次寧
在襁褓父母憐其少諷改適衛嚴拒之隆慶二年巡撫
奏旌後安以叅贊機務給冠帶而寧亦以積功官洮岷
副將諸孫咸授指揮懷信歷官都督封氏太夫人壽躋
九十卒

都督同知林椿妻宋氏嘉靖庚戌椿戰歿氏年二十五居
喪哀毀捐簪珥營祭葬督課二子克繼前業鳳舉任叅
將鳳騰任朔州守備萬歷間巡按奏旌

王氏潞城府輔國將軍俊椿繼妻俊椿好施祿入常不贍
氏恒以奩資佐之俊椿卒氏年二十餘會歲荒家無長

物力女紅以襄殯事撫孤克耀有成萬歷庚戌巡撫奏
聞褒贈夫人樹綽楔旌之

監生李貞妻王氏年二十五夫亡遺一女矢志節母孀
兄夭幼姪纔弱齡氏迎母同居生卒盡禮撫姪成爲娶
婦以繼其後鄉黨賢之

李懷安妻王氏年十六歸李越七年而寡矢志節貧苦
終身萬歷丁未詔旌

朱充瑛妻郝氏封淑人孀姑曹氏性嚴重好潔有心疾展
轉需人非氏不愜氏須臾不離者垂四十餘年跪伏進
膳積久手足幾不能屈伸曹氏曰吾死何以報汝願汝

有婦亦以事我者事汝耳其後婦許氏事郝盡孝果如曹氏言雲人傳爲美談

輔國將軍朱充剡妻張氏年十九適充剡逾年充剡卒守節四十年育孤有成萬歷丁未詔旌

馬恒妻陳氏年二十一夫亡守節四十餘年奉詔旌表

丁淮妻梁氏早孀撫子世臣娶王氏年二十五世臣疾謂王曰母孀子幼皆若責也氏領之矢志事育不負遺言當事旌其門曰雙節

朱成佩妻劉氏成佩毆殺宗人繫獄論死詔自盡氏先期詣禁所與夫訣曰早晚旨將下妾此後不復來視君也

原书缺页

原书缺页

節

丁倉妻邢氏年二十二夫亡氏矢志事育荼藥終身督學
使題請賜坊旌表

朱廷埃繼妻董氏無出妾郭氏生子一夫卒郭氏求去氏
曰若去孤誰撫乃勉慰再三甘心共守歷三十餘年
卒

陝西都司宋定妻劉氏夫亡矢守有鄰郡宦族謀娶之遣
媒道意且曰適我子之功名可得也氏聞怒叱曰賊將
陷我於不義餌以國家名器上負君恩下慙名教言之